

Лобар БАРАТОВА

МЕН ОРЗУМАН

(Шеърлар)

Қарши
«Насаф» нашриёти
2007

84(59)6

Лобар Баратова ҳали жуда ёш. У кўнгил кечинмаларини қоғозга туширибди ва сизга тақдим этишга журъат қилибди, азиз шеърхон! Умид қиламизки, бу машқлар келгусида уни адабиётнинг катта йўлларига етакласа...

FD 34475
0

20.08/45	Alisher Navoiy
A2866	O'zbekiston

Б 4702620202-48 48-2007 Л.Баратова, 2007 й.
376(10)2007

ISBN 5-7323-0519-9

ИСТИҚЛОЛ

Истиқлолнинг шамоли эсмоқдадир дилларда,
Ўлкамнинг одамлари яшайдилар шодумон.
Ҳилпирайди байроғи баланд тутган қўлларда,
Хизматингга биз тайёр Она-Ватан ҳар қачон.

Бу кунларни аждодлар қанча орзу қилмади,
Озодлик-чун жон фидо қилди қанча ўғлони.
Юртбошимиз мард, оқил, чекинишни билмади,
Шу боис мустаҳкамдир энди юртнинг қўрғони.

Ўн олти йил тўлибди истиқлолнинг ёшига,
Қилинган ишларга боқ, татир аср ёшига.
Меҳрим бердим осмони, ҳам еру қуёшига,
Қандай ўзим отмайин шундай юрт қучоғига.

Мангу бўлсин озодлик, мангу бўлсин ҳурлигинг,
Юртбошимиз барчани тўғри йўлга бошлагай.
Боши баланд, қадди тик, ҳар нияти холиснинг,
Юрт деб ёнган ҳар бирини Оллоҳ ўзи қўллагай.

ВАТАНГА

Сени ардоқлайман, севаман,
Хатто ортиқ кўраман ўздан.
Қучоғингда мангу гуллайман,
Кечолмайман бундай туйғудан.

Ўтмишингни мен ҳам биламан,
Бобом сўзлаб берган улардан.
Улар биз-чун туюлар эртак,
Заҳматини кимлардир тотган.

Аммо бу кун ёруғдир олам,
Атрофда-чи бахтиёр барча.
Ундан тўйиб сипқора олсам,
Бахтлидурман шу Ватан ичра.

ЎЗБЕК

Дўсти деган сўзни тутади маҳкам,
Оғзи куйганда ҳам, куймаганда ҳам.
Шундай феъли учун бўлмагайдир кам,
Асли ўзи ўзбек шундай яралган.

Тўрига чиққанда қари-қартаси,
Хизматда бўлади барча-барчаси.
Шудир қадриятнинг олий чашмаси,
Асли ўзи ўзбек шундай яралган.

ЎЗБЕКНИНГ БОЛАСИ

Бир парча гўшт эди, илк бор кўрганда,
Бир парча матога ўралган эди.
Ота-онасига бахт берган ўша,
Бобосига тойчоқ бўлади энди.

Ойлар, йиллар энди шамолдай ўтар,
Илк қадамин ташлар ўша болакай.
Ота-онасига қувонч улашар,
Бугун улғаймоқда ўша ширинтой.

У улғайиб бир кун камолга етар,
Ватан равнақига хизматлар қилар.
Унинг доим содиқ фарзанди бўлар,
Она алласидан улғайган куни.

ПРЕЗИДЕНТГА

Бошимиз узра бахт қуши -
Юртбошимиз бор бўлсин.
Доим ўнг бўлсин иши,
Бизга қалқон, тоғ бўлсин.

Осмонни тинч сақлаймиз,
Довюрак аскар каби.
Юрт фарзандин асрайсиз,
Меҳрибон падар каби.

Биз ёшларга меҳрибон,
Фамхўр раҳнамодирсиз.
Юртга муносиб сарбон,
Энг буюк паноҳдирсиз.

ВАТАН

Бу Ватаннинг мадҳиясидир,
Куйлай гурур хиссини туйиб.
Байроқ эрkning тантанасидир,
Жой берганман кўксимдан ўйиб.

Айтиб берай эртагу дoston,
Улар менинг бобомдан мерос.
Унда яшар эзгулик омон,
Яхшилиги юрагимга хос.

Аждодларнинг ори, гурури,
Ҳамроҳимдир ҳаёт йўлимда.
Бахтлидурман ҳаёт сурури,
Ором берар Ватан кўйнида.

ЮРТИМ

Яшашга ўргатган ўзингсан, шукур,
Меҳрга ўралган сўзимсан, шукр.
Кечмадим ўзлимим-ўзимдан, шукр,
Қутлуғ шукронага дилим боғлайман.

Ўргилай минг режа тузганларингдан,
Йилда бир тўй қилиб тўзганларингдан.
Рамазонга тилак тизганларингдан,
Қутлуғ шукронага дилим боғлайман.

Уйғонади руҳим сени ўйласам,
Минг жоним йўлингга фидо айласам.
Минг бир халқ ичида ўзинг сайласам,
Қутлуғ шукронага дилим боғлайман.

МЕН ОРЗУМАН

Мен ҳозирча жилғаман,
Шошиб-шошиб оқаман.
Бир кун худо хоҳласа,
Денгизимни топаман.

Мен ҳозирча орзуман,
Мақсадга интиламан.
Ўзлимни топиш-чун,
Еламан-югураман.

Мен ҳозирча булутман,
Осмонимда сузаман.
Ёмғир бўлиб қоғозга,
Юрагимни ёзаман.

УСТОЗЛАРИМ

Устозларим, мен сизнинг,
Юрагингиз бўлагидирман.
Кўнглингизда орзунинг,
Бегубор тилагидирман.

Озгина оқлай олсам,
Умиду тилагингиз.
Қаршингизда бош эгсам,
Оқласам ишончингиз.

Фахрлансангиз мендан,
Шогирд, деб олсангиз тан.
Сиз улашган илм-зиёдан,
Яшнаб кетса шу-Ватан.

ОНА

Меҳрибон, тилаклари -
Осмоним онам.
Кўзларим гавҳари -
Қароғим онам.

Она-муқаддасдир,
Фарзандларга бош.
Она – бу кўздаги,
Бир парча қуёш.

АЁЛ

Аёл заифадир, бир ожизадир,
Асли аёлликнинг зийнати шундай.
Аёл она, аёл бека, бир фариштадир,
Гулга айланмоғи мумкин бир зумда.

Сув бўлиб оқар у ташна ҳисларга,
Совуқ нигоҳларга нурлар беражак.
Учмоқ истасангиз фалақдир аёл,
Унмоқ истасангиз заминдир бешак.

ЎЗБЕГИМНИНГ ДЕҲҚОНИ

Чарчаш нима билмайди,
Эрта тонгдан тинмайди.
Даласини тарошлар,
Мўл ҳосил-чун бош қашлар,
Ўзбегимнинг деҳқони.

Олтин буғдой далани,
Оппоқ пахта толани.
Яратгунча тинмайдир,
Сўнгра машхур бўлгайдир.
Ўзбегимнинг деҳқони.

Ахир бахти шундан-да,
Ҳосил бўлса хирмонда.
Кўнгил қолмас армонда,
Бойиб кетар шу онда.
Ўзбегимнинг деҳқони.

Даласидан нонини,
Топар шавкат-шонини.
Обод қилар уйини,
Ўқитиб ўғил-қизни.
Ўзбегимнинг деҳқони.

НАВРЎЗ

Наврўз билан келади шодлик,
Наврўз билан элда ободлик.
Наврўз келса гуллайди боғлар,
Наврўз келгач яшнайти тоғлар.

Неъматларга тўла дастурхон,
Жой олади ундан турфа нон.
Қуёш каби иситар дилни,
Мақтови-чи сўзлатар тилни.

Кўк сомсадан қувонади кўз,
Чучварага тополмасман сўз.
Наврўз ҳақда қанча сўзласак,
Камлик қилар қанча қуйласак.

БОЛАЛИК

Болалик. Осмонинг бунча мусаффо,
Бирам беғуборки, кўринмас булут.
Сен билан бир умр қолсайдим қани,
Бағрингда ғам йирок, қайғулар унут.

Юлдузлар сеҳрли ёғду сочади,
Эртакка ўхшайди тонглар, оқшомлар.
Тўрт фасл баробар шодликка тўла,
Хар кунинг бир ҳадя, илиқ инъомлар.

МЕҲР

Меҳр бор жойда-ки саховат бордир,
Унга қўл чўзганга худо ҳам ёрдир.
Меҳр бу кўнгилнинг дуру гавҳари,
Пок инсон юради саховат сари.

Меҳр бу кўнгилнинг қайноқ булоғи,
Саховатли қалблар сўнмас чироғи.
Меҳр бир бойликки пулга ўлчанмас,
Меҳр улкан дарё, меҳр туганмас.

ТИНЧЛИК

Қуёшни бағрига босиб,
Ўрар тун пар кўрпасига.
Уйқуга оҳ қонгач тўйиб,
Мўралар тонг шарпасига.

Одамларни ишга чорлаб,
Ёритади тонг кўксини.
Қулоғидан тортқилаб,
Бўй чўздирар майса-ўтни.

Тонг билан бошланар меҳнат,
Қўшиқ-алёр баҳамжиҳат.
Қуёш кулиб балқар абад,
Тинчлик сабаб, тинчлик абад.

КАПАЛАК

Мовий гўзалликка ажал чанг солди,
Уни кўп кўрди гул баргида фалак.
Бечора ўзини тутолмай қолди,
Оҳиста жон таслим қилди капалак.

Тинди чаманзорда товланган ўлан,
Алвон гуллар аза очди бемажол.
Капалакни нафис вужуди билан,
Тош йўлга супуриб ташлади шамол.

О, жонсиз капалак жони узилгай,
Гардунда беҳуда нола чекурман.
Ки одамга қандай меҳр кўргузгай,
Капалакка шафқат қилмаган ажал.

ШУКРОНА

Яна бир тонг отди, мусаффо тенгсиз,
Илоҳим шу кун ҳам шодликка тўлсин.
Ният ҳосил бўлса насиба чексиз,
Оллоҳга шукрона тилингда бўлсин.

Гоҳида омадинг боқмаса кулиб,
Паймонанг кетсада жомидан тўлиб.
Бу синовларни енг мардона туриб,
Оллоҳга шукрона тилингда бўлсин.

Падаринг, волиданг бўлишса омон,
Дўстларинг борлиги дардингга дармон.
Ахир бу кунлар ҳам кимгадир армон,
Оллоҳга шукрона тилингда бўлсин.

САХОВАТ

Аста кетаяпсан кўчадан юриб,
Бир ниҳол эгилиб турганин кўрдинг.
Унинг яшаши-чун тиргович қўйиб,
Бу билан кўп яхши савоб иш қилдинг.

Кун келар иқболинг кулиб, чарақлар,
Кўнглингни тўлдирар шодлик ва сурур.
Недир ҳаётингга мазмун бахш этар,
Билсанг бу савобинг жавоби эрур.

КАМТАРЛИК

Манманга ҳамиша ҳамрохдир завод,
Камтарга ёр бўлгай доимо камол.
Зеб берар инсонга сабру қаноат,
Манманлик жавоби келтирар кулфат.

Агар сен ўзингга бино қўймасанг,
Яхшилиқни сира қанда қилмасанг,
Мўмин-мискинларни доим қўлласанг,
Оллоҳ саодати ёр бўлгай сенга.

САЛОМ МАКТАБ!

Сентябрь тонгини интиқлик билан,
Қаршилаб, мактаб бағрига қайтдик.
Қўлимизда даста ғужғон гул билан,
Соғинчимиз бийрон тилларда айтдик.

Бизга илм бериб чарчамас устоз,
Хатто китоблар ҳам маҳтал кутибди.
Уни варақласак, ўргансак оз-оз,
Шунчалик фикримиз теран бўлибди.

Нақадар бахтли ва тахтли ёшлармиз,
Бошимизга Хумо қуши қўнибди.
Замондан миннатдор ниҳол, ғунчамиз,
Тақдир истиқлолга тўқнаш қилибди.

ҚИШЛОҚ

Қишлоқ деса ажиб мунгли наводан,
Бир куй тинглагандек бўлавераман.
Дуд ҳиди анқиган тандир-ўчоқдан,
Минг бора ўргилиб юравераман.

ТУН

Борлиқ туннинг кучоғида маст,
Шамол елар супа ишқомда.
Рақс тушади япроқлар сармаст,
Шамол қўшиқ куйлаган шомда.

МУНДАРИЖА

Истиқлол.....	3
Ватанга.....	4
Ўзбек.....	4
Ўзбекнинг боласи.....	5
Президентга.....	5
Ватан.....	6
Юртим.....	6
Мен орзуман.....	7
Устозларим.....	7
Она.....	8
Аёл.....	8
Ўзбегимнинг деҳқони.....	9
Наврўз.....	10
Болалик.....	10
Меҳр.....	11
Тинчлик.....	11
Капалак.....	12
Шукрона.....	12
Саховат.....	13
Камтарлик.....	13
Салом мактаб.....	14
Қишлоқ.....	14
Тун.....	14

АДАБИЙ-БАДИИЙ НАШР

ЛОБАР БАРАТОВА

МЕН ОРЗУМАН

(Шеърлар)

Ўзбек тилида

Муҳаррир: Г.Хўжаева.

Техник муҳаррир: Ч.Раҳмонов.

Мусахҳиҳ: Г. Бердимуродова.

Бадий безакчи: Ж.Норқобилов.

ИБ 1118

Теришга 15.10. 2007 йилда берилди. Босишга 19.10.2007 йилда рухсат этилди. Бичими 84x108 1/32. Шартли босма табоғи- 0,84. Шартли бўёқ- отт. 0,90. Нашр босма табоғи 0,64. 61- 2007-шартнома. 88-бўртма. 100 нусхада. Эркин нархда.

«Насаф» нашриёти, 180118. Қарши шаҳри, Мустақиллик шоҳ кўчаси, 22-уй.

Қашқадарё вилоят Матбуот ва ахборот бошқармаси ҳузуридаги «Матбаа цехи»да чоп этилди.

Қарши шаҳри, Мустақиллик шоҳ кўчаси, 22 ;уй.